



EXPLORATION
AND DISCOVERY
www.peraktastic.com



(<https://www.ipohecho.com.my>)

(/p1/index.php)

Carian....

Perak Food Hunter kembali lagi, rancak promosi makanan unik di Perak

Details



Saloma

Komuniti (</p1/index.php/komuniti.html>)

20 August 2022

Hits: 225



IPOH: Hadiah lumayan bernilai RM7,000 menanti pemenang pertandingan Perak Food Hunter 2.0 yang dianjurkan buat tahun kedua, bermula hari ini hingga 30 September depan.

Setelah berjaya menarik minat ramai penggemar atau 'pemburu' makanan untuk meneroka dan membuat ulasan tentang makanan unik di Perak, pihak penganjur sekali lagi membuka peluang kepada umum.

Menurut Pengerusi Jawatankuasa Belia, Sukan, Komunikasi dan Multimedia negeri, Khairul Shahril Mohamed, inisiatif Pejabat Belia Sukan Komunikasi dan Multimedia (BSKM) dan Digital Perak itu antara lain bertujuan merancakkan ekonomi sektor makanan tempatan.

"Kita buka peluang kepada semua tidak mengira usia, bangsa dan sebagainya. Bukan hanya terhad kepada pereka kandungan yang berasaskan ulasan makanan sahaja.

"Syaratnya mereka perlu buat video pendek bertemakan makanan dan ulasan di negeri ini sahaja, tidak kiralah warung, restoran gerai dan sebagainya.

"Kita mahu menarik para penggemar makanan serta pelancong luar ke negeri ini menerusi pembangunan kandungan multimedia sebagai medium pemasaran digital," katanya.

Beliau berkata demikian selepas pelancaran pertandingan Perak Food Hunter 2.0 di sini yang disempurnakan oleh Yang Dipertua Majlis Agama Islam & 'Adat Melayu Perak, Tan Sri Mohd Annuar Zaini.

Hadir sama, Ketua Pegawai Eksekutif Digital Perak, Meor Rezal Fitri Meor Redwan.

Sementara itu, Meor Rezal Fitri ketika mengulas lanjut mengenai pertandingan itu berkata, para peserta perlu menghasilkan sebuah video rewiu makanan yang bertemakan "Makanan yang berada di Negeri Perak" dan tidak melebihi tiga minit.

Tambahnya lagi, para peserta yang menerapkan unsur kemerdekaan bersempena sambutan Hari Kebangsaan dan Hari Malaysia akan mendapat markah tambahan.

"Saya menjemput seluruh Keluarga Malaysia untuk menyertai pertandingan ini.

"Harapan saya supaya Perak Food Hunter kali ini akan mendapat sambutan yang menggalakkan dan lebih meriah berbanding sebelumnya," katanya.

Untuk makluman pertandingan ini terbuka kepada semua warganegara Malaysia.

Di samping terbuka kepada makanan halal dan tidak halal serta individu atau berkumpulan.

Para peserta berpeluang untuk memenangi hadiah yang lumayan iaitu; tempat pertama RM 7,000, trofi dan sijil, tempat kedua RM 5,000, trofi dan sijil manakala tempat ketiga RM 3,000, trofi dan sijil.

Kaedah penyertaan pula, peserta perlu mengimbas kod QR di poster untuk pendaftaran.

Seterusnya setelah video siap, peserta perlu hantar menerusi e-mel ke perakfoodhunter@gmail.com (<mailto:perakfoodhunter@gmail.com>).

Tarikh tutup penyertaan pada 30 September 2022 sebelum atau pada jam 11.59 malam.

Di samping itu, para peserta wajib like & follow Facebook: [perakfoodhunter](#), Twitter: [perakfoodhunter](#) dan Instagram: [perakfoodhunter](#).

Prev

(/P1/Index.Php/Komuniti/2095-12-Acara-Sukma-Digugurkan-Persatuan-Sukan-Perlu-Bertanggungjawab.Html)

Next


(/P1/Index.Php/Komuniti/2093-H-1-500-Tong-Sampah-Percuma-Diedarkan-Kepada-Penduduk-Zon-17.Html)




Ipoh Echo
15,468 followers

Follow Page Contact Us

Timeline Messages

 **Ipoh Echo**
12 hours ago

IPOH – Bandar Meru Raya here now has another petrol station as the second premise owned by Perak Corporation Cooperative (KOPERAK) was inaugurated.
Click below for more.



Peraktastic merupakan tabloid digital yang direalisasikan oleh bekas-bekas penulis dan wartawan berita tempatan serta mereka yang terlibat didalam industri kewartawanan di Perak. Sumbangan berita dan bahan penulisan digital merupakan pandangan peribadi penulis dan persendirian.



[ps://www.instagram.com/peraktastic/](https://www.instagram.com/peraktastic/))(<https://www.facebook.com/Peraktastic/>)(<https://twitter.com/peraktas>

Iklan Anda



COMPLETE
SOLUTION FOR
BUSINESS

with **Peraktastic**
Exploration & Discovery

Contact Us
+6017 5655 689

www.yourbusiness.com

Lokasi

